



გორის მუნიციპალიტეტის საკრებულოს

განკარგულება № 203

2024 წლის 13 დეკემბერი
ქალაქი გორი

ა(ა)იპ მიუსაფარი შინაური ცხოველების მართვის შიდა ქართლის ინტერმუნიციპალური
სააგენტოს (ს/კ 418478034) 2024 წელს გაწეული საქმიანობის ანგარიშის შეფასების
შესახებ

გორის მუნიციპალიტეტის საკრებულოს კომპეტენციას წარმოადგენს მუნიციპალიტეტის კერძო სამართლის იურიდიული პირის ხელმძღვანელობაზე უფლებამოსილი პირის მიერ გაწეული საქმიანობის კონტროლი, მათი ანგარიშების მოსმენა და შეფასება. აღნიშნული ანგარიშის მოსმენა გაწერილია საკრებულოს 2024 წლის სამუშაო გეგმაში. საკრებულოს სამუშაო გეგმის შესაბამისად საჭიროა მოსმენილ იქნას და შეფასდეს ა(ა)იპ მიუსაფარი შინაური ცხოველების მართვის შიდა ქართლის ინტერმუნიციპალური სააგენტოს (ს/კ 418478034) 2024 წელს გაწეული საქმიანობის ანგარიში.

საქართველოს ორგანული კანონის „ადგილობრივი თვითმმართველობის კოდექსის“ 61-ე მუხლის 1-ლი და მე-2 პუნქტების შესაბამისად:

1. დადებითად შეფასდეს ა(ა)იპ მიუსაფარი შინაური ცხოველების მართვის შიდა ქართლის ინტერმუნიციპალური სააგენტოს (ს/კ 418478034) 2024 წელს გაწეული საქმიანობის ანგარიში თანდართული №1 დანართის თანახმად (თან ერთვის 9 ფურცლად).

2. განკარგულება ძალაში შევიდეს ხელმოწერისთანავე.

3. განკარგულების გასაჩივრება შესაძლებელია დაინტერესებული პირის მიერ მისი გაცნობის დღიდან ერთი თვის განმავლობაში სარჩელის წარდგენის გზით გორის რაიონულ სასამართლოში (მისამართი ქ. გორი, სერგო ჯორბენაძის ქ. №30).

საკრებულოს თავმჯდომარე



დავით რაზმაძე

ა(ა)იპ "მიუსაფარი შინაური ცხოველების მართვის შიდა ქართლის ინტერმუნიციპალური სააგენტოს" მიერ გაწეული სამუშაოების ანგარიში (საანგარიშო პერიოდი 2024 წლის 1 იანვარიდან 2024 წლის 20 ნოემბრამდე.)

ა(ა)იპ "მიუსაფარი შინაური ცხოველების მართვის შიდა ქართლის ინტერმუნიციპალური სააგენტო" (შემდგომში - „სააგენტო“) დაფუძნებულია დამფუძნებელ წევრთა საერთო კრების მიერ 2021 წლის 2 ივლისის (სხდომის ოქმი #1). ბრძანებით; „სააგენტოს“ უმაღლესი მმართველობითი ორგანოს წარმოადგენს სააგენტოს წევრთა საერთო კრება. „სააგენტო“ შექმნილია განუსაზღვრელი ვადით. „სააგენტოს“ რეკვიზიტებია: საიდენტიფიკაციო კოდი 418478034; იურიდიული მისამართი: გორი შინდისის გზატკ. მე-2 კმ. ფაქტიური მისამართი: გორი შინდისის გზატკეცილი მე-2 კილომეტრი. ტელ: ცხელი ხაზი: +995 (595 33 55 08).

სააგენტო საწესდებო მიზნების მისაღწევად ხელმძღვანელობს საქართველოს კონსტიტუციით, საქართველოში მოქმედი კანონმდებლობით, კანონქვემდებარე ნორმატიული აქტებით, „სააგენტოს“ წესდებით, შინაგანაწესით და საერთაშორისო ორგანიზაციების მიერ რეკომენდირებული ნორმებით და ინსტრუქციებით.

„სააგენტო“-ს ბიუჯეტს ამტკიცებს და აკონტროლებს გორის, ხაშურის, ქარელისა და კასპის მუნიციპალიტეტების მერების წარდგინებით გორის, ხაშურის, ქარელისა და კასპის მუნიციპალიტეტების საკრებულო. სააგენტოს დირექტორს ნიშნავს გორის, ხაშურის, ქარელისა და კასპის მუნიციპალიტეტების მერები, „სააგენტო“-ს დირექტორი „სააგენტოს“ წევრთა საერთო კრებისა და საკრებულოების წინაშე.

”

წინამდებარე ანგარიში მოიცავს პერიოდს 2024 წლის 1 იანვრიდან 2024 წლის 20 ნოემბრის ჩათვლით და წარმოდგენილია „სააგენტო“-ს სამსახურებისა და სპეციალისტების გაწეული საქმიანობის ანგარიშის ფორმით.

„სააგენტო“-ს მთავარი სტრუქტურული ქვეგანყოფილებებია:

- „ადმინისტრაციული განყოფილება“
- „ცხოველთა კონტროლისა და ვეტერინარული განყოფილება“
- „მატერიალურ-ტექნიკური განყოფილება“

ა(ა)იპ მიუსაფარი შინაური ცხოველების მართვის შიდა ქართლის ინტერმუნიციპალური სააგენტოს დირექტორის მოადგილე

ა(ა)იპ მიუსაფარი შინაური ცხოველების მართვის შიდა ქართლის ინტერმუნიციპალური სააგენტოს დირექტორის მოადგილე ასრულებს სააგენტოს წესებით და შინაგანაწესით გათვალისწინებულ ვალდებულებებს. კერძოდ ექვემდებარება სააგენტოს დირექტორს. კოორდინაციას უწევს თანამშრომლების კვალიფიკაციის ამაღლებას. მათთან ერთად განიხილავს სააგენტოში არსებულ სიახლეებს და მიმდინარე ცვლილებებს. ახდენს მოქალაქეების მიღებას და აძლევს განმარტებებს, უტარებს კონსულტაციას მიუსაფარ შინაურ ცხოველებთან დაკავშირებით. აუცილებლობიდან გამომდინარე აძლევს დავალებებს თანამშრომლებს და აკისრებს მათ დამატებით ფუნქციებს. კოორდინაციას უწევს თანამშრომლების სამსახურში გამოცხადებას და მორიგეობს. ატარებს ამა თუ იმ თანამშრომლის მიმართ დისციპლინური სასჯელის ზომების გატარების აუცილებლობის შემთხვევაში წარუდგენს წინადადებებს სააგენტოს დირექტორს გადაწყვეტილების მისაღებად, ახორციელებს სხვა უფლებამოსილებებს კანონმდებლობის გათვალისწინებით, სააგენტოს დებულებით, შინაგანაწესით, წესების და შრომითი ხელშეკრულების შესაბამისად. დირექტორის მოადგილე ახორციელებს საჯარო ინფორმაციის სრულ დაცვას, ასევე კოორდინაციას უწევს ვეტერინარულ განყოფილებას

ცხოველთა ევტანაზიასთან დაკავშირებით.

ადმინისტრაციული განყოფილების ანგარიში

ადმინისტრაციის ხელმძღვანელობს ადმინისტრაციის უფროსი, რომელსაც თანამდებობაზე ნიშნავს და თანამდებობიდან ათავისუფლებს სააგენტოს დირექტორი.

იღებს გადაწყვეტილებებს მის კომპეტენციას მიკუთვნებულ საკითხებზე;

- ადმინისტრაციის უფროსი ადმინისტრაციის სპეციალისტებთან ერთად წყვეტს შესაბამისი სამსახურების საქმიანობის სფეროსათვის მიკუთვნებულ საკითხებს;
- დირექტორს დასამტკიცებლად წარუდგენს ადმინისტრაციული სამსახურის სტრუქტურას, ადმინისტრაციას დაქვემდებარებული თანამშრომელთა უფლება-მოვალეობებს;
- შუამდგომლობს დირექტორთან იმ სახსრებისა და მატერიალური ფასეულობების გამოყოფის თაობაზე, რომელიც საჭიროა ადმინისტრაციის სამსახურების ამოცანების სათანადოდ შესასრულებლად;
- დირექტორს წარუდგენს წინადადებებს ადმინისტრაციული სამსახურის კომპეტენციას მიკუთვნებულ ნებისმიერ საკითხზე;
- დირექტორის ბრძანების შესაბამისად, კორდინირებასა და კონტროლს უწევს ბრძანებისა და დავალებების შესრულებას;
- ანაწილებს მოვალეობებს ადმინისტრაციის თანამშრომლებს შორის და აძლევს მითითებებს, აუცილებლობის შემთხვევაში, უფლებამოსილია ადმინისტრაციის კონკრეტული სპეციალისტის საქმე გადასცეს სხვა სპეციალისტს;
- უფლებამოსილია დირექტორს დასანიშნად წარუდგინოს ადმინისტრაციისა და მის დაქვემდებარებაში არსებული სამსახურების თანამშრომელთა კანდიდატურები;
- უფლებამოსილია დირექტორს წარუდგინოს წინადადებები ადმინისტრაციისა და მის დაქვემდებარებაში არსებული თანამშრომელთა წახალისება ან მათთვის დისციპლინური პასუხისმგებლობის დაკისრების თაობაზე;
 - აწარმოებს „FAO“-ს ერთიან ელექტრონულ პროგრამას („FAO“ - ყველა შემოსულ ცხოველზე ჩატარებული მანიპულაციების აღრიცხვა).

ფინანსური მენეჯერის ანგარიში

სააგენტოს ადმინისტრაციის სამსახურში დასაქმებულია ერთი ფინანსური მენეჯერი რომლის უფლება/მოვალეობები განსაზღვრულია შრომითი ხელშკრულებით, სააგენტოს დებულებით და შინაგანაწესით.

ა(ა)იპ მიუსაფარი შინაური ცხოველების მართვის შიდა ქართლის ინტერმუნიციპალური სააგენტოს 2024 წლის ბიუჯეტი შეადგენს 1 194 839 ლარს, რასაც ემატება საკუთარი შემოსულობები 5000 ლარი.

სააგენტოში მომუშავეთა რიცხოვნობა შეადგენს 51 კაცს, აქედან 11 არის შტატით მომუშავე ხოლო დანარჩენი 40 არის შტატგარეშე თანამშრომელი.

2024 წლის 1 იანვრიდან 20 ნოემბრის ჩათვლით გახარჯულია 1 020 773 ლარი, აქედან:

- შტატში მყოფ თანამშრომელთა ანაზღაურება 168 664 ლარი;
- შტატგარეშე მომუშავეთა ანაზღაურება- 488 029 ლარი;
- თანამშრომლებზე გაცემული დანამატი მოვალეობის შესრულება - 5830 ლარი
- მივლინების ხარჯი - 380 ლარი

- ოფისის ხარჯი - 100 307 ლარი;
- საწვავ/საპოხი მასალების შეძენის ხარჯი - 43 394 ლარი;
- ექსპლუატაციის, მოვლა-შენახვის და სათადარიგო ნაწილების შეძენის და რემონტის ხარჯები - 28 469 ლარი;
- ცხოველთა კვების ხარჯი - 34 960 ლარი;
- სამედიცინო ხარჯები - 70 356 ლარი;
- უნიფორმის შესყიდვის ხარჯი - 4192 ლარი;
- სხვა დანარჩენი საქონელი და მომსახურება - 38 180 ლარი;
- ბიულეტენი - 1632 ლარი;
- არაფინანსური აქტივების ზრდა - 40 570 ლარი.

2024 წლის 1 იანვრიდან 20 ნოემბრის ჩათვლით საკუთარმა შემოსავალმა შეადგინა 36 400 ლარი.

სულ საერთო ჯამში სააგენტოს ფუნქციონირების, სხვადასხვა საჭიროებების სახელმწიფო შესყიდვის მიზნით გაფორმდა 84 ხელშეკრულება საერთო თანხით - 296 304 ლარი, მათგან გამარტივებული შესყიდვის წესით, მონეტარული ზღვრის დაცვით სააგენტომ გააფორმა 47 ხელშეკრულება, კონსოლიდირებული ტენდერით 32, ხოლო ელექტრონული ტენდერის მეშვეობით 8 ხელშეკრულება.

სახელმწიფო შესყიდვების ძირითადი მაჩვენებლები, გამოცხადებული ტენდერების რაოდენობა და შესყიდვის ტიპებია.

2024 წელს საერთო ჯამში გამოცხადდა 8 NAT ტიპის ღია, ელექტრონული ტენდერი:

1. ელექტრონული ტენდერი აუქციონის გარეშე **NAT240004446**, შესყიდვის ობიექტი მედიკამენტი „ბიოკანი“, (33600000 - ფარმაცევტული პროდუქტები) რომელიც გამოიყენება ცხოველთა ანტირაბიული ვაქცინაციისათვის. შესყიდვის ღირებულებაა 6600 ლარი.
2. ელექტრონული ტენდერი აუქციონის გარეშე **NAT240005169**, შესყიდვის ობიექტის მედიკამენტი „კეტამინი“, (33600000 - ფარმაცევტული პროდუქტები), რომელიც გამოიყენება ცხოველთა ანესთეზიისთვის კასტრაცია/სტერილიზაციის ოპერაციის დროს. შესყიდვის ღირებულებაა 3600 ლარი.
3. ელექტრონული ტენდერი აუქციონის გარეშე **NAT240016431** შესყიდვის ობიექტია ძაღლის მშრალი და დაკონსერვებული საკვები, (15700000 - ცხოველის საკვები), რომლის ღირებულება შეადგენს 27 850 ლარს.
4. ელექტრონული ტენდერი აუქციონის გარეშე **NAT240009624** შესყიდვის ობიექტია სააგენტოს სკრინინგისა და სკოპინგის მისაღებად საკონსულტაციო მომსახურების შესყიდვა (71600000 - ტექნიკური შემოწმება, ანალიზი და საკონსულტაციო მომსახურებები), როგორიცაა: ღირებულება შეადგენს 39640 ლარს.
5. ელექტრონული ტენდერი აუქციონის გარეშე **NAT240006745** შესყიდვების ობიექტია სამედიცინო მასალების სახარჯი მასალების შესყიდვა (33100000 - სამედიცინო მოწყობილობები), როგორიცაა: სკალპელები და დანის პირები, ჭრილობის გასაკერი საშუალებები, სამედიცინო უნიფორმა, ტენდერით შეძენილი საქონლის ღირებულება შეადგენს 14 909 ლარს.
6. ელექტრონული ტენდერი აუქციონის გარეშე, **NAT240005322** შესყიდვის კონკრეტული ობიექტია ვეტერინარული დანიშნულების მედიკამენტები (33600000 - ფარმაცევტული პროდუქტები), რომლის საერთო ღირებულებაა 25 600 ლარი.
7. ელექტრონული ტენდერი აუქციონის გარეშე **NAT240011846** , შესყიდვის ობიექტი მედიკამენტი „თიოპენტალ ვუაბი“, (33600000 - ფარმაცევტული პროდუქტები), რომელიც გამოიყენება ცხოველთა დასაძინებლად. შესყიდვის ღირებულებაა 6500 ლარი.
8. ელექტრონული ტენდერი აუქციონის გარეშე **NAT240012879**, შესყიდვის ობიექტი ავტომანქანა 1 ერთეული, (34100000 - ავტოსატრანსპორტო საშუალებები). შესყიდვის ღირებულებაა 38 890 ლარი.

2024 წლის 1 იანვრიდან 2024 წლის 20 ნოემბრის ჩათლით სულ გაფორმებულია სტერილიზაცია/კასტრაციის მომსახურების ხელშეკრულება შემდეგ ორგანიზაციებთან:

1. ადიგენის მუნიციპალიტეტის მერია 1 ხელშეკრულება- 60 ძალდი
2. ბაკურიანის განვითარების სააგენტო 1 ხელშეკრულება - 95 ძალდი
3. ა(ა)იპ ბორჯომის დასუფთავება და კეთილმოწყობა 3 ხელშეკრულება -169 ძალდი
4. ბორჯომის მუნიციპალიტეტის მერია 1 ხელშეკრულება - 95 ძალდი
5. ბორჯომის ცენტრალური პარკი 1 ხელშეკრულება - 95 ძალდი

იურისტი/შრომის უსაფრთხოების სპეციალისტი

ექვემდებარება სააგენტოს დირექტორს და ადმინისტრაციის უფროსს. უზრუნველყოფს „სააგენტო“-ს დოკუმენტაციის კანონმდებლობასთან შესაბამისობაში მოყვანას; იცავს სააგენტოს სამართლებრივ ინტერესებს, ამზადებს და ზედამხედველობას უწევს სააგენტოს დირექტორის სამართლებრივი აქტების პროექტების მომზადებას, მონაწილეობას იღებს სააგენტოს მიერ დასადები ხელშეკრულებებისა და შეთანხმებების პროექტების მომზადებაში. უზრუნველყოფს შიდაუწყებრივი დოკუმენტების პროექტების შესაბამისობას მოქმედ კანონმდებლობასთან, ამზადებს სამართლებრივ აქტებს. მეთვალყურეობს შემოსულ - წერილებსა და განცხადება(საჩივრებს). იცავს „სააგენტო“-ს ინტერესებს სასამართლოში, აწარმოებს დაქირავებულთა შრომითი ხელშეკრულებების რეესტრს, იცავს შრომითი ხელშეკრულებით, შინაგანაწესით და სამუშაოთა აღწერილობით დადგენილ წესებსა და პირობებს. უშუალოდ ანხორციელებს მასზე დაკისრებულ უფლებამოსილებებს, ვალდებულია დაიცვას არასაჯარო ინფორმაციის კომფიდენციალობა, წარუდგენს დირექტორს წერილობით ანგარიშს გაწეული საქმიანობის შესახებ.

2024 წლის 1 იანვრიდან 2024 წლის 20 ნოემბრამდე იურისტის მიერ მომზადებულია: 138 (ას ოცდათვრამეტი) ბრძანების პროექტი; დადებულია „სააგენტო“-ს ყველ თანამშრომელთან შრომითი ხელშეკრულება; ასევე „სააგენტო“-ს იურისტის მიერ შექმნილია სხვადასხვა შიდა სამართლებრივი აქტები და ასევე სხვადასხვა შიდა სამართლებრივი დოკუმენტების პროექტები.

შრომის უსაფრთხოების სპეციალისტი

ა(ა)იპ მიუსაფარი შინაური ცხოველების მართვის შიდა ქართლის ინტერმუნიციპალური სააგენტოს შრომით უსაფრთხოების სპეციალისტი ვალდებულია სააგენტოში მოახდინოს შრომის პირობების ინსპექტირება და შრომის უსაფრთხოების დოკუმენტაციის წარმოება; სააგენტოში შრომის უსაფრთხოების დაცვის სისტემის შემუშავება, დანერგვა და შესრულებაზე კონტროლის განხორციელება; სააგენტოში შრომის უსაფრთხოების კულტურის დანერგვასთან დაკავშირებით წინადადებების ინიცირება და „დამსაქმებელთან“ წარდგენა; შრომის უსაფრთხოებასთან დაკავშირებით საქართველოში მოქმედი კანონმდებლობის და შესაბამის ცვლილებებზე მუდმივი ინფორმირებულობა და „დამსაქმებლის“ დროული ინფორმირება; სააგენტოს სამუშაო სივრცეებში საფრთხეების განსაზღვრა, რისკების შეფასება სააგენტოს საქმიანობის უსაფრთხოდ განხორციელების მიზნით; სააგენტოში სამუშაო სივრცეში რისკების აღმოჩენა, იდენტიფიცირება, მათი დადოკუმენტირება (ფოტო და ვიდეო მასალის გამოყენებით) და მათ აღმოსაფხვრელად (შესამცირებლად) საჭირო ღონისძიებების გატარების ინიცირება და უზრუნველყოფა; სააგენტოს სარგებლობაში არსებული შენობა-ნაგებობების შიდა სივრცეები უზრუნველყოფილია შესაბამისი შინაარსის გამაფრთხილებელი და საინფორმაციო ნიშნებით (სტიკერებით); სააგენტოს სამუშაო სივრცეში უბედური შემთხვევების, საწარმოო ტრავმების, პროფესიული დაავადებების შესახებ დოკუმენტაციის წარმოება, მათი აღრიცხვა, გამომწვევი მიზეზების შესწავლა, პრევენციული ღონისძიებების გატარება და „დამსაქმებლის“ ინფორმირება; სახანძრო და სხვა სახის საგანგებო სიტუაციების შესახებ სააგენტოს თანამშრომლებისთვის შესაბამისი თეორიული და პრაქტიკული (სიმულაციური) სწავლებების პერიოდული ჩატარება;

2024 წლის 1 იანვრიდან 2024 წლის 20 ნოემბრამდე „სააგენტოს“ შრომის უსაფრთხოების სპეციალისტის მიერ შესრულებული სამუშაოები: „საქართველოს ორგანული კანონის შრომის უსაფრთხოების შესახებ“ - შესაბამისად მომზადებულია ყველა ძირითადი დოკუმენტაცია. „სააგენტოში“ მოწყობილია ხანძარსაწინააღმდეგო სტენდები, საევაკუაციო გეგმა; ასევე უტარდება ინსტრუქტაჟები „სააგენტოს“ თანამშრომლებს. სისტემატური ზედამხედველობა და კონტროლი არსებული რისკების და შესაბამისი პრევენციული ღონისძიებების ჩატარება რისკის მინიმუმამდე დასაყვანად.

კანცელარიის უფროსი სპეციალისტის ანგარიში

ა(ა)იპ მიუსაფარი შინაური ცხოველების მართვის შიდა ქართლის ინტერმუნიციპალურ სააგენტოში დასაქმებულია ერთი თანამშრომელი კანცელარიის უფროსი სპეციალისტის თანამდებობაზე. მისი უფლება-მოვალეობები განსაზღვრულია კანონმდებლობით, სააგენტოს დებულებით და შინაგანაწესით. კანცელარიის უფროსი სპეციალისტი ახორციელებს სააგენტოს საქმის წარმოებას, აღრიცხავს სააგენტოში შემოსულ და გასულ წერილებს, ამზადებს წერილებს და დროულად აწვდის ადრესატებს შესასრულებლად შემოსულ კორესპონდენციას. ზედამხედველობას უწევს დირექტორის რეზოლუციისამებრ დოკუმენტების შესრულების ვადების დაცვას. აკონტროლებს სააგენტოს ოფიციალურ მეილს. კანცელარიაში ხდება ყველა შემოსული თუ გასული კორესპონდენციის აღრიცხვა როგორც ელექტრონული, ასევე მატერიალური ფორმით, დღეების და თვეების შესაბამისად მინიჭებული ნომრით. პარალელურად აწარმოებს: ბრძანებების, შემოსული, გასული წერილებისა და მოხსენებითი ბარათების აღრიცხვის ჟურნალს.

სულ 2024 წლის 20 ნოემბრის მდგომარეობით რეგისტრირებულია:

ბრძანება - 138

გასული წერილი - 102

შემოსული წერილი - 150

მოხსენებითი ბარათი - 79

კანცელარიის უფროსი სპეციალისტი ასევე აწარმოებს თანამშრომელთა პირად საქმეებს; აღრიცხავს და აკონტროლებს „სააგენტოში“ დასაქმებულ თანამშრომელთა შვებულებებს; ვალდებულია დაიცვას თანამშრომელთა პერსონალური მონაცემები. 2024 წლის ნოემბრის მდგომარეობით ა(ა)იპ მიუსაფარი შინაური ცხოველების მართვის შიდა ქართლის ინტერმუნიციპალურ სააგენტოში სულ დასაქმებულია 51 თანამშრომელი. აქედან 11 შტატისანი, 40 შტატგარეშე.

ვეტერინარული განყოფილების ანგარიში

სააგენტოს ვეტერინარული განყოფილებას ხელმძღვანელობს ვეტერინარული განყოფილების უფროსი, რომელსაც თანამდებობაზე ნიშნავს და თანამდებობიდან ათავისუფლებს დირექტორი. ვეტერინარულ განყოფილებაში დასაქმებულია ხუთი ვეტექიმი, სამი ფერშალი და ერთი ლაბორანტი. ვეტერინარული განყოფილება მუშაობს 24 საათიანი გრაფიკით, რომელიც განაწილებულია სამ ცვლაზე. მათ ზედამხედველობას და სამუშაო გრაფიკის მართვას უწევს ვეტერინარული განყოფილების უფროსი.

ვეტერინარული განყოფილების უფროსი აწარმოებს მედიკამენტების და დამხმარე სამედიცინო მასალების აღრიცხვასა და კონტროლს. ასევე ანგარიშვალდებულია სურსათის ეროვნული სააგენტოს და სამედიცინო და ფარმაცევტული საქმიანობის სააგენტოს დროულად მიაწოდოს „ვეტერინარული სამსახურის და ცხოველთა ჭერის საქმიანობისათვის“ საჭირო საქართველოში სპეციალურ კონტროლს დაქვემდებარებულ ნივთიერებათა და სპეციალურ კონტროლს დაქვემდებარებული ფარმაცევტულ პროდუქტთან გათანაბრებული სამკურნალო საშუალებების მიღება/შემენსა და გამოყენების აღრიცხვის შესახებ.

ვეტერინარული განყოფილების უფროსი აწარმოებს კასტრაცია-სტერილიზაციის, ანტირაბიული

ვაქცინაციის და ცხოველის საინდივიდუალური ნომრების(საყურე თავის“ბირკა“ ტატუ) ცხოველების ისტორიას და ჟურნალს. ასევე აწარმოებს ევთანაზიის აქტებს.

ვეტერინარული განყოფილების უფროსი მორიგე ვეტერინართან და ფერშალთან ერთად აწარმოებს ყოველდღიურ ვოლიერების შემოვლას რათა გაეცნოს ახალი და სააგენტოში მყოფი ცხოველების ჯამრთელობის მდგომარეობს, საექვო სიმფტომების დაფიქსირების დროს დავალებას აძლევს ვეტერინარს და ლაბორანტს ჩაატარონ შესაბამისი ლაბორატორიული კვლევა დაავადების გამოსავლენად და შემდგომში მათი მკურნალობისათვის.

ა(ა)იპ მიუსაფარი შინაური ცხოველების მართვის შიდა ქართლის ინტერმუნიციპალური სააგენტოში 2024 წლის 1 იანვრიდან 2024 წლის 20 ნოემბრის ჩათვლით შემოყვანილია 3270 ცხოველი.

აქედან;

- გორიდან - 1468;
- ხაშურიდან - 640;
- ქარელიდან - 326;
- კასპიდან - 386;

კასტრაცია სტერილიზაცია ჩაუტარდა 2660 ცხოველს ;

აქედან:

- გორიდან - 1149 (1038 ძაღლი - 111 კატა);
- ხაშურიდან - 420 (386 ძაღლი - 34 კატა);
- ქარელიდან - 309 (291 ძაღლი - 18 კატა);
- კასპიდან - 332 (330 ძაღლი ; 2 კატა);
- ადიგენი - 60 ძაღლი
- ბორჯომი - 340 ძაღლი
- ბაკურიანი - 50 ძაღლი

სხვადასხვა სახის სამედიცინო მანიპულაციები (ამპუტაცია, მოტეხილობა, ტრამვების დამუშავება) 268 ცხოველი; სიკვდილიანობა 131 ცხოველი; ევთანაზია - 257 ცხოველი; გაჩუქებულია 117 ძაღლი; ამჟამად სააგენტოშია 105 ძაღლი;

უფროსი ფერშალი

ა(ა)იპ მიუსაფარი შინაური ცხოველების მართვის შიდა ქართლის ინტერმუნიციპალური სააგენტოს ვეტერინარული განყოფილების უფროსი ფერშალი კოორდინაციას უწევს ვეტერინარების მიერ გაცემულ დავალებების შესრულებას. კომისიის წევრია ევთანაზიის აქტის შედგენაში. უროსი ფერშალი ვალდებულია შეამოწმოს სამედიცინო პრეპარატების და დამხმარე მასალების ვადები.

ფერშალი

ა(ა)იპ მიუსაფარი შინაური ცხოველების მართვის შიდა ქართლის ინტერმუნიციპალური სააგენტოს ფერშალი ანხორციელებს ვეტერინარის და უფროსი ფერშალის დავალებებს. ვეტერინარის დავალებით ანხორციელებს ცხოველების მომზადებას ოპერაციისათვის;

ლაბორანტი

ა(ა)იპ მიუსაფარი შინაური ცხოველების მართვის შიდა ქართლის ინტერმუნიციპალური სააგენტოს ვეტერინარული განყოფილების ლაბორანტი ახორციელებს სხვადასხვა სახის ლაბორატორიულ კვლევებს სხვადასხვა სახეობის სწრაფი ტესტებით. აწარმოებს შესაბამისი ჩანაწერების აღრიცხვას.

მატერიალურ ტექნიკური სამსახური

ა(ა)იპ მიუსაფარი შინაური ცხოველების მართვის შიდა ქართლის ინტერმუნიციპალური სააგენტოს მატერიალურ-ტექნიკური განყოფილება პასუხისმგებელია „სააგენტოს“ ბალანსზე რიცხული ავტომობილების გამართულად მუშაობაზე. ზედამხედველობას უწევს საწყობის სპეციალისტისა და ტექნიკური მუშაკის მუშაობს.

ტრანსპორტის სპეციალისტი

ა(ა)იპ მიუსაფარი შინაური ცხოველების მართვის შიდა ქართლის ინტერმუნიციპალური სააგენტოს ტრანსპორტის სპეციალისტი ახორციელებს სააგენტოს ავტოპარკის კონტროლს. ავტომობილების ტექნიკურ გამართულობას და მათ მიმდინარე რემონტს. 2024 წელს მოხდა „სააგენტოს“ ავტოპარკის განახლება, კერძოდ: შეძენილია 1 ერთეული ავტოსატრანსპორტო საშუალება (FIAT TIPO-ს მარიკის ავტომობილი, სახელმწიფო N BT604BB); ამჟამად სააგენტოშია 5 (ხუთი) ერთეული (გამართულ მდგომარეობაში) ავტოსატრანსპორტო საშუალება (FORD TRANSIT სახელმწიფო N: SP 478 SP; FORD TRANSIT სახელმწიფო N: KK 386 KL; FORD TRANSIT სახელმწიფო N: LD 377 DD; FORD TRANSIT სახელმწიფო N: AJ136JA;) და 3 ჩამოსაწერი ავტოსატრანსპორტო საშუალება,(OPEL COMBO - სახელმწიფო N: QQ 056 CQ ; OPEL COMBO - სახელმწიფო N: WP 448 PW; OPEL COMBO სახელმწიფო N: QY 221 YQ;) რომელთა რეალიზაციაც მოხდება უახლოეს პერიოდში, საქართველოში მოქმედი კანონმდებლობის შესაბამისად.

საწყობის სპეციალისტი

ა(ა)იპ მიუსაფარი შინაური ცხოველების მართვის შიდა ქართლის ინტერმუნიციპალური სააგენტოს საწყობის სპეციალისტი ვალდებულია მიიღოს სააგენტოსთვის საჭირო პროდუქცია დაასაწყობოს და მიზანმიმართულად გასცეს საჭიროების მიხედვით. 2024 წლის 1 იანვრიდან 20 ნოემბრის ჩათვლით შეძენილია 400 (ოთხასი) ტომარა საკვები. ახორციელებს ყოველთვიურ სასაწყობო აღრიცხვას და მონაცემებს აწვდის ფინანსურ მენეჯერს.

ტექნიკური მუშაკი

ა(ა)იპ მიუსაფარი შინაური ცხოველების მართვის შიდა ქართლის ინტერმუნიციპალური სააგენტოს ტექნიკური მუშაკი უზრუნველყოფს სააგენტოს ტექნიკურ მომსახურებას. ასევე ასრულებს ცხოველების ლემის და სამედიცინო ნარჩენების განადგურებას კრემატორიუმში.

ქოლცენტრი-დაცვა

ა(ა)იპ მიუსაფარი შინაური ცხოველების მართვის შიდა ქართლის ინტერმუნიციპალური სააგენტოს ქოლცენტრი მუშაობს 24 საათიანი გრაფიკით პასუხობს მოქალაქეების ზარებს ანხორციელებს ზარების მონიტორინგს და აგზავნის შესაბამის ჯგუფს საჭიროების ადგილზე. ასევე ანხორციელებს მოქალაქეების მიღებას სააგენტოში და მათ კონტროლს უსაფრთხოების მიზნით. დღეის მდგომარეობით „სააგენტოს“ ქოლცენტრში დაფიქსირებულია 2711 შემოსული ზარი.

მძღოლ დამჭერი

„სააგენტოში“ მძღოლ-დამჭერ(ებ)ი მუშაობენ 24 საათიანი გრაფიკით. იგი იღებს შესაბამის ზარათს ქოლცენტრის მორიგესაგან სადაც წერია ინიციატორის სახელი გვარი მისამართი და საკონტაქტო ინფორმაცია, რის შემდეგაც გადის საჭიროების ადგილზე რეაგირებისათვის. აწარმოებს მის მიერ დაჭერილი და შემოყვანილი ცხოველ(ებ)ის ისტორიას; შესაბამისი ვეტერინარული პროცედურების შემდეგ დამჭერთან ერთად აბრუნებს ცხოველს დისლოკაციის ადგილზე.

ცხოველის დამჭერი

ა(ა)იპ მიუსაფარი შინაური ცხოველების მართვის შიდა ქართლის ინტერმუნიციპალური სააგენტოს ცხოველების დამჭერი მუშაობს 24 საათიანი გრაფიკით. ანხორციელებს ცხოველების დაჭერას საერთაშორისო აპრობირებული ჰუმანური მეთოდით ათავსებს ავტომობილში, შემდგომ კი სააგენტოში არსებულ ვოლიერებში.

ცხოველის მომვლელი

ა(ა)იპ მიუსაფარი შინაური ცხოველების მართვის შიდა ქართლის ინტერმუნიციპალური სააგენტოს ცხოველების

მომცლელი მუშაობს 24 საათიანი გრაფიკით. ზრუნავს ვოლიერების სისუფთავეზე და ცხოველების კვებაზე.

პიარი

სააგენტოს დირექტორსა და ადმინისტრაციის უფროსს. პასუხისმგებელია „სააგენტოს“ ოფიციალური ვებ - გვერდისა და „facebook“ გვერდების მუდმივად განახლებაზე და სიახლების განთავსებაზე; უზრუნველყოფს ადგილობრივ ორგანიზაციებთან და საერთაშორისო ორგანიზაციებთან თანამშრომლობას; ოპერატიულად განათავსოს ყველა ის სიახლე რაც ხორციელდება „სააგენტოში“.